


2024-mi inuusuttut ilinniarnert suliffeqarnerallu

2024-ip naanerani Kalaallit Nunaanni inuusuttut 16-it 25-llu akornanni ukiullit 4.935-t imaluunniit 68 pct.-ii ilinniartinnut suliffeqarinnuunniit atassuteqarput. Taakkunanga 28 pct.-it efterskolini imaluunniit meeqqat atuarsiannit qaffasinnerusumik ilinniakkamik ingerlatsipput, 41 pct.-illu suliffeqarlutik.

2024-mi inuusuttut ilinniakkamik ingerlataqanngitsut suliffeqanngitsulluunniit 31 pct.-inik annertussuseqarput. 2016-imiilli annertussusaat 1 procentpointimik apparsimavoq. Piffissamilu pineqartumi inuusuttut suliffillit annertussusaat 3 procentpointimik qaffassimavoq, inuusuttullu ilinniakkamik ingerlatsisut annertussusaat 2 procentpointimik apparsimalluni.

Titartagaq 1. Inuusuttut 16-it 25-llu akornanni ukiullit nalunaarsorsimanerat malillugu, 2016-2024



Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG3>).
Nalunaarut: Tabelimi inuusuttut Kalaallit Nunaata avataani efterskolertut ilinniakkamillu ingerlatsisut ilanngunneqarput.

Inuusuttut sullinniakkat


Saqqummersitami matumani Kalaallit Nunaanni inuusuttut suliffeqarnerat ilinniarnertallu sammeneqarpoq. Inuusuttut ilinniakkamik ingerlatsinngitsut imaluunniit suliffeqanngitsut inuusuttunik sullinniakkanik taaneqarput.

Inuusuttuni sullinniakkani pineqarput inuusuttut suliffeqanngitsut aammalu suliffissarsiortutut nalunaarsorsimanngitsut. Periaatsimut immikkoortumi nassuiaat malillugu inuusuttut ilinniakkamik ingerlatsisutut nalunaarsorsimasut, Ilinniagaqarnersiuteqartitsivimmili nalunaarsorsimanngitsut, inuusuttunut sullinniakkanut ilanngunneqarput.

2024-mi innuttaasut akornanni inuusuttut 7.216-it ataani takutinneqarput. Inuusuttut ilinniakkamik ingerlatsisut saniatigullu suliffillit ilinniakkamik ingerlatsisutuinnaq nalunaarsorneqarput. Ilinniakkamillu ingerlatsisut

efterskolernermut, inuusuttunut ilinniartinnut ingerlariaqqiffiusumillu ilinniarnermut immikkoortiterneqarput.

Titartagaq 2. 2024-mi inuusuttunut 16-it 25-llu akornanni ukiulinnut nalunaarsuutit



Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG3>).


Inuusuttuni sullinniakkani inuusuttuaqqat amerlanerupput

2024-mi ilinniakkamik ingerlatsisut annertussusaat ukioqqortusiartorneq malillugu apparparput. 16-iniit 18-inut ukiullit 41 pct.-ii ilinniartuusut 25-nik ukiullit 20 pct.-ii ilinniartuupput.

Suliffillit annertussusaat ukioqqortusiartorneq malillugu qaffalaarsimapput. 16-iniit 18-inut ukiullit akornanni 20 pct.-it suliffeqarput, 25-nilli ukiullit 57 pct.-ii suliffeqarlutik.

Inuusuttunilu sullinniakkani pineqartut annertussusaat ukioqqortusiartorneq malillugu aamma apparparput. 2024 naanerani 16-iniit 18-inut ukiullit akornanni 40 pct.-it suliffeqaratillu ilinniakkamik ingerlatsinngillat, 25-llu ukiullit akornanni 22 pct.-iullutik.

Titartagaq 3. 2024-mi inuusuttut 16-it 25-llu akornanni ukiullit, ukiut nalunaarsugaanerlu malillugit




Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG3>).

Inuusuttunut ilinniartfinni ilinniarsimasut annertussusaat

2024-mi inuusuttut 16-it 25-llu akornanni ukiullit 40 pct.-ii ilinniakkamik ingerlatsipput imaluunniit inuusuttunut ilinniartfimmik naammassinnissimallutik.

Titartagaq 4. Inuusuttut 16-it 25-llu akornanni ukiullit inuusuttunut ilinniartfimmik naammassinnissimasut ingerlatsisulluunniit annertussusaat, 2016-2024



Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG3>).
Nalunaarut: Ilinniakkamik ingerlatsisuni ilinniartut sionatigut inuusuttunut ilinniartfimmik naammassinnissimangitsut kisimik pineqarput.

Inuusuttut sullinniakkat 12-inik ukioqarlutik najugarisaat

Nuna tamakkerlugu agguaqatigiissitsinermut 32 pct.-iusumut naleqqiullugu Qaanaami Tasiilamilu inuusuttut 40 pct.-init annertunerusut inuusuttuni sullinniakkani nalunaarsorsimapput. Qaanaamili inuusuttut sullinniakkat 2017-imi 48 pct.-iniit 2022-mi 41 pct.-inut annikilleriarsimapput.

Takussutissiaq 1. Inuusuttut sullinniakkat annertussusaat, 12-inik ukioqarnermi najugarisaat malillugit; 2019-2024

	2019	2020	2021	2022	2023	2024
Nanortalik	34	38	36	34	34	37
Qaqortoq	30	28	32	33	29	33
Narsaq	30	29	31	33	35	36
Paamiut	31	33	31	32	34	30
Nuuk	27	26	25	25	25	27
Maniitsoq	25	28	28	27	27	23
Sisimiut	27	29	27	29	26	28
Kangaatsiaq	31	35	34	32	39	33
Aasiaat	30	30	25	27	32	26
Qasigiannuguit	23	24	25	24	27	30
Ilulissat	28	31	33	28	32	32
Qeqertarsuaq	23	27	36	23	29	20
Uummannaq	27	28	31	27	26	34
Upernavik	38	42	37	39	41	43
Qaanaaq	35	45	40	40	47	50
Tasiilaq	46	49	44	49	46	49
Ittoqqortoormiit	24	29	41	36	31	40
Kalaallit Nunaata avataani	31	30	27	26	28	29
Agguaqatigiissillugit	30	31	32	31	30	31

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG4>).
Nalunaarut: Kisitsisit ersarinnerusunik nalunaaqutsersimasut tassaapput nuna tamakkerlugu agguaqatigiissitsinermiit qaffasinnerusut.

Tabelit

Tabel 1. Inuusuttut 16-it 25-llu akornanni ukiullit nalunaarsugaanerit malillugit, 2019-2024

	2019	2020	2021	2022	2023	2024
Efterskoli	280	237	229	290	266	269
Ilinniarnertuunngorniarneq	954	1.018	1.014	1.001	934	916
Inuusutissarsiornermik ilinniarneq	521	546	474	468	430	395
Ingerlariaqqiffiusumik ilinniarneq	397	404	397	400	376	412
Suliffillit	3.394	3.156	3.219	3.101	3.056	2.943
Inuusuttut sullinniakkat	2.376	2.449	2.343	2.297	2.257	2.281
Katillugit	7.922	7.810	7.676	7.557	7.319	7.216

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG3>).

Tabel 2. Inuusuttut 16-it 25-llu akornanni ukiullit ukiui nalunaarsugaanerlu malillugit, 2024

Ukiut	16	17	18	19	20	21	22	23	24	25
Efterskoli	231	38	-	-	-	-	-	-	-	-
Ilinniarnertuunngorniarneq	70	228	226	137	81	37	47	27	36	27
Inuusutissarsiornermik ilinniarneq	9	22	34	47	43	35	36	70	44	55
Ingerlariaqqiffiusumik ilinniarneq				9	33	52	75	86	83	74
Suliffillit	90	128	196	284	321	358	398	367	365	436
Inuusuttut sullinniakkat	295	287	257	268	237	205	194	200	168	170
Katillugit	695	703	713	745	715	687	750	750	696	762

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG3>).

Tabel 3. Inuusuttut sullinniakkat ilinnialernissamut piginnaangorsarnermik ingerlatsisut

	2020	2021	2022	2023	2024
Ilinniagaqarnersiutillit	493	410	408	442	420
Ilinniagaqarnersiuteqanngitsut	1.956	1.933	1.889	1.815	1.861
Inuusuttut sullinniakkat katillugit	2.449	2.343	2.297	2.257	2.281

Najoqqutaq: Naatsorsueqqissaartarfik – kisitsisaataasivimmi kisitsisit takukkit (<https://bank.stat.gl/UDNUMG6>).

Nalunaarut: Majoriami ingerlatsisut ilinniagaqarnersiutillit nalunaarsuutaannit naatsorsuutit. Atuartut ilinniagaqarnersiuteqanngitsut ilanngunneqanngillat.

Periaaseq

Saqqummersitami matumani inuusuttut suliffeqarnerat ilinniarneralu sammineqarpoq.

Nalunaarsuutit tunngaviusut

Kisitsisitigut paasissutissani suliarineqartuni matumani nalunaarsuiffiit atorneqartut tassaapput:

- Naatsorsueqqissaartarfiup innuttaasunut nalunaarsuiffia (1. januaari aallarnerfigalugu).
- Ilinniartitaanermut Naalakkersuisoqarfiup aammalu Oqaatsinik Pikkorissarfiup Kalaallit Nunaanni Qallunaat Nunaannilu efterskolini atuartunik nalunaarsuiffii.
- Ilinniagaqarnersiuteqartitsiviup (USF-ip) nalunaarsuiffia.

- Naatsorsueqqissaartarfiup suliffilinnut nalunaarsuiffia (novembarimi naatsorsukkat).
- Naatsorsueqqissaartarfiup ilinniakkanut naammassineqarsimasunut qaffasinnerpaanut nalunaarsuiffia.
- Namminersorlutik Oqartussat kommunillu pisortani ataatsimut akissarsialeriffiat.

Naatsorsuinermi periaaseq

Qulaani paasissutissanik ataatsimoortitsinermi innuttaasunut ataasiakkaanut kisitsisitigut paasissutissanut nalunaarsuiffimmik pilersitsisoqarpoq, ukiup naalernerani paasissutissanik ataani pineqartunik imaqartumik:

- Ukiut aamma suaassuseq.
- Najugaq aammalu pineqartup ukiumi 12-inik ukioqalerfiani ukiup naanerani najugarisaa.
- Ilinniakkamik ingerlatsineq imaluunniit suliffeqarneq.
- Ilinniagaq naammassineqarsimasooq qaffasinnerpaaq.

Misissukkat amerlassusaat

Ukiumi kisitsiviusumi naatsorsuutini pineqarput ukiup naalernerani 16-it 25-illu akornanni ukiullit aammalu tunngavilersuutinik ataani taaneqartunik naammassinnissimasut:

- Ukiup aallartinnerani naanerani Kalaallit Nunaanni inunnik nalunaarsuiffimmi (najugaqavissutut) allassimaneq.
- Ukiup naalernerani Kalaallit Nunaanni inunnut nalunaarsuiffimmi nalunaarsorsimaneq aammalu ukiup kisitsiviusup ingerlanerani Kalaallit Nunaata avataani efterskolimik ilinniakkamilluunniit ingerlatsisimalluni naammassinnissimaneq imaluunniit unitsitsisimaneq.
- Ukiup naalernerani Kalaallit Nunaanni inunnut nalunaarsuiffimmi nalunaarsorsimanninneq kisiannili ukiumi kisitsiviusumi qaammat decembarimi Kalaallit Nunaanni imaluunniit Kalaallit Nunaata avataani efterskolimik ilinniakkamilluunniit meeqqat atuarfiannit qaffasinnerusumik ingerlataqartutut nalunaarsorsimaneq.

Najugaq

Najukkanut paasissutissani inunnik nalunaarsuisarfimmi najugaq aallaavigineqarpoq. Ilinniarfinni Kalaallit Nunaanniittuni nalunaarsorsimasut inunnullu nalunaarsuisarfimmi nalunaarsorsimannigitsut ukiup kisitsiviusup tulliani najugaat atorqarput. Aammattaaq ukiumi qaangiuttumi qaninnermi najugaq nalunaarsorneqarsimasooq atorqarpoq. Ilinniakkanik ingerlatsisut ataasiakkaat Naatsorsueqqissaartarfiup inunnut nalunaarsuisarfiani allassimannigillat, taakkununga ilinniarfiup adressia atorqarpoq.

Nunani allani ilinniarfinni nalunaarsorsimasut nunami allami najugaqartutut taaneqarput, Kalaallit Nunaanni innuttaasunut nalunaarsuisarfimmi nalunaarsorsimanerat apeqqutaatinnagu.

Ukiuni pineqartuni najugarisap atuutsinneqartup saniatigut aammalu ukiumi 12-inik ukioqalerfiup naanerani najugarisimasaq nalunaarsorneqarpoq. 12-inik ukioqarlutik inuit nalunaarsuiffianni nalunaarsorneqarsimannigitsut Kalaallit Nunaata avataani najugaqartutut nalunaarsorneqarput.

Ivittuuni najugallit Nuummi najugalittut nalunaarsorneqarput.

Ilinniarnermi suliffeqarnermilu inissisimaffik

Inuusuttut ukiumi kisitsiviusumi qaammat decembarimi ilinniakkamik ingerlatsisutut suliffeqartutulluunniit (novembarimi) imaluunniit ilinniakkamik ingerlatsinngitsutut suliffeqanngitsutullu nalunaarsorneqarput. Nalunaarsuinerillu pingaarnersiorneqarput, ilinniakkamik ingerlatsisoq suliffeqartorlu taamaallaat ilinniakkamik ingerlatsisutut naatsorsorneqarpoq.

Efterskolinik ilinniakkanillu ingerlatsisut tassaapput Naatsorseqqissaartarfiup ilinniartitaanermut nalunaarsuiffiani nalunaarsorsimasut. Efterskolernerit eqqaassanngikkaanni ingerlatsinerit inuusuttunut qaffassarluni ilinniarninngaanniit qummullu qaffasissusillit taamaallaat nalunaarsorneqarput (ISCED-ni qaffasissuseq 3 qummullu).

Inuusuttut ilinniakkanik ingerlatsinatillu suliffeqanngitsut inuusuttunik sullinniakkanik taaneqarput. Inuusuttut sullinniakkat tassaapput inuusuttut suliffeqanngitsut aammalu inuusuttut suliffissarsiunngitsut. Inuusuttunut sullinniakkanut ilaasinnaapput 16-inik ukioqalereersimallutik meeqqat atuarfiannik naammassinissimasut aammalu piginnaanngorsarluni ilinniarnernik ingerlatsisut, assersuutigalugu Majoriami (ISCED-ni qaffasissuseq 2). Taamatuttaaq inuusuttuni sullinniakkani ilaasinnaapput ilinniakkanik ingerlatsisut kisiannili Ilinniagaqarnersiuteqartitsivimmi nalunaarsorneqarsimannngitsut.

Inuusuttut sullinniakkat Majoriami akuerisaasimasut annertussusaat immikkut kisitsisitigut paasissutissiarineqarput. Tassani ilinniagaqarnersiutillit, assersuutigalugu Majoriami FA-mik ukiumik ataatsimik sivilisussuseqartumi atuartut ilinniagaqarnersiuteqarsinnaatitaasullu nalunaarsuutaat tunngavigineqarput. Atuartullu qaammat decembarimi ilinniagaqarnersiutilittut nalunaarsorsimannngitsut ilanngunneqanngillat.

Ilinniagaq qaffasinnerpaatut naammassisimasaq

Inuusuttunut misissukkani ilaasunut tamanut ukiup kisitsiviusup pineqartup naanerani ilinniagaq naammassisimasaq qaffasinnerpaaq nalunaarsorneqarpoq. Piginnaanngorsarluni ilinniarnersiuteqartitsivimmi saniatigut ilinniarnertuunngorniarni ilinniakkanut naammassineqarsimasunut ilaatinneqarput.

Pineqartut ilinniakkanut naammassisimasanut qaffasinnerpaanut atassuserneqarput, aammalu ilinniarnertuunngorniarninut, inuussutissarsiornermik ilinniarninut, ingerlariaqqiffiusumik ilinniarninut ilinniagaqarsimannngitsunulluunniit agguataarneqarlutik. Ilinniartitaanermut Naalakkersuisoqarfimmik isumaqatigiissuteqarneq malillugu angusanik qaffassaalluni pikkorissarnerit ilinniakkatut qaffasinnerpaatut naammassineqarsimasut ilinniarnertuunngorniarni ataannut inissinneqarput. Angusanik qaffassaalluni pikkorissarnerit ISCED2011-mi qaffasissuseq 4-imi inissisimapput, tigusaanissamullu piumasaqaataavoq ilinniarnertuunngorniarninut naammassinissimanissaq.

Naatsorsueqqissaartarfiup ilinniakkanut qaffasinnerpaanut nalunaarsuisarfia Kalaallit Nunaanni najugaqartunik taamaallaat imaqqarpoq. Taamaattumik misissukkat qaffasinnerpaamik ilinniagarisimasaannut, Naatsorsueqqissaartarfiup inunnik nalunaarsuisarfiani piffissami pineqartumi qaninnermi, nalunaarsugaasimanerit atorneqarput. Kalaallit Nunaatalu avataani piffissami sivilisuumi ilinniakkamik ingerlataqarsimasut kisitsisitigut paasissutissani matumani saqqummiunneqartunit ilinniagaat qaffasinnerusinnaapput.

Siuliani naatsorsuinermit allannguutit

Ilinniagaqarnersiuteqartitsiviup nalunaarsuisarfia nalunaarsuisarfiuvoq ataavartumik, aammattaaq ukiumi siuliini naqiteriikkanik, naqqiinernik ingerlatsiviusoq. Kisitsisitigut paasissutissani matumani nalunaarsuutit najoqqutarineqartut allanngorput, Naatsorsueqqissaartarfiup saqqummersitaanut kingullernut ilinniakkanut qaffasinnerpaanut naammassineqarsimasunut ingerlanneqartunullu najoqqutarineqartut paasissutissat assigiit atuutsinneqalerlutik.

Suliffeqarneq pillugu kisitsisitigut paasissutissani aaqqiissuteqarnerit

2024-mut saqqummersitsineq ilutigalugu suliffeqarnermut, suliffissaaleqinermut aamma sulisinnaasunut tunngasuni 2016-imiit qummut kisitsisini aaqqiissuteqartoqarpoq. Aaqqiissuteqartoqarnerata kinguneraa siuliini saqqummersinneqarsimasunit suliffeqarnerup annertunerulernera, tamatumalu ilutigisaanik suliffissaaleqisut kiisalu sulisinnaasunut ilaanngitsut amerlassusiisa annikinnerulernerat.

Siulianit naleqqiullugu periaatsimi allannguutit pingaarnarpaat tassaapput:

1. Suliffeqaqqammerlutik ernereernerup kingorna sulinngiffeqartut massakkut suliffilittut naatsorsorneqartalernerat. Allannguinerup suliffeqarnermi kisitsisitigut paasissutissat International Labour Organisation (ILO) innersuussutaanut naapertuuttunngortippai.
2. Namminerisamik suliffeqarfimmit ukioq naallugu pingaarnertut isertitaqarsimasut suliaqarfimmi suliffeqarfiusumi pingaarnertut suliffilittut naatsorsorneqartalernerat. Tamannalu isumaqarpoq piffimmi tunisiffiusimannngitsumi imaluunniit piffinni tapertaralugu suliaqarfinni allani suliffigisimasami annertunerusumik isertitaqarsimanermi pingaarnertut suliffigisamut sunniuteqarsinnaajunnaarnera, ukiumut isertitat aalisarnermi imaluunniit savaateqarfinni namminerisamik suliffeqarfimminngaanneerpata.
3. Pisortaqarfinni akissarsialerivimmut Akileraartarnermi Aqutsisoqarfimmit sulisitsisut nalunaarusiaannik sukumiinerusumik imalimmut nalunaarsuutitut nutaanut Naatsorsueqqissaartarfik attaveqarpoq. Nalunaarsuutillu pitsaanagerusut atorlugit pisortani atorfeqarsimanermut isertitat akissarsiat kiisalu pisortanit aningaasat tunniunneqarsimasut qularnaannerusumik immikkoortinneqarsinnaalersippaat. Matumanilu allannguutip kinguneraa pisortani suliffillit qaammammi ataatsimi piffissap affaanit minnerusumik sulisimasut annertunerulernerat.

2016 sioqqullugu nalunaarsuutit Ilinniartitaanerup ataani toqqorsivimmi nassaarineqarsinnaapput.

Signatur forklaring:

...Oplysninger foreligger ikke

.. Oplysninger for usikre til at angives eller diskretionshensyn

. Tal kan efter sagens natur ikke forekomme

0 Mindre end halvdelen af den anvendte enhed

- Nul

* Foreløbigt eller anslået tal

Saaffiginniffissaq

Emil Malta

E-mail: emmt@stat.gl

Ilinniartitaaneq

Grønlands Statistik

Postboks 1025 · 3900 Nuuk

Tlf.: +299 34 57 70 · Fax: +299 34 57 90

www.stat.gl · e-mail: stat@stat.gl

